

POP

**PERBALLJA
OFERTAVE
POLITIKE**



Gender Alliance for Development Center
Qendra Aleanca Gjnore për Zhvillim

ZGJEDHJET VENDORE 14 MAJ 2023

KONTRATA SOCIALE



TIRANË



Gender Alliance for Development Center
Qendra Aleanca Gjnore për Zhvillim



KONTRATA SOCIALE 2023 – 2027 BASHKIA TIRANË

Përballja e Ofertave Politike (POP) është një nismë e rrjetit të 12 organizatave të shoqërisë civile shqiptare, të cilat punojnë në 12 bashki të Shqipërisë. Në bashkinë Tiranë, Kontrata Sociale dhe monitorimi i saj realizohet nga “Qendra Aleanca Gjinore për Zhvillim” (GADC). GADC është një organizatë lider në Shqipëri dhe në Ballkanin Perëndimor me rezultate të suksesshme në mbrojtjen e të drejtave të njeriut, promovimin e barazisë gjinore dhe demokracisë me pjesëmarrje në shoqërinë shqiptare.

Kontrata sociale hartohet nga POP në çdo fushatë elektorale gjatë Zgjedhjeve Vendore në Shqipëri. Hartimi i Kontratës Sociale bazohet në takime me qytetarë të grupeve të ndryshme dhe bazuar në një metodologji për të marrë mendimet dhe prioritetet e tyre.

Në hartimin e kontratës sociale 2023-2027 janë marrë parasysh kërkesat dhe nevojat e grupeve të ndryshme të qytetarëve brenda territorit të Bashkisë së Tiranës, me një fokus të veçantë për grupet e cënueshme.

Kontrata sociale prezantohet te të gjithë kandidatët për kryetar bashkie gjatë periudhës së fushatës elektorale.

PRIORITETET KRYESORE

Prioriteti 1. Forcimi i demokracisë vendore dhe avancimi i agjendës së integrimit evropian në nivel vendor

- Hartimi i një raporti vjetor në lidhje me arritjet në zbatim të Strategjisë për Decentralizim dhe Vetëqeverisje Lokale 2023-2030.
- Të sigurohet dhënia e kontributit dhe përfshirja sistematike e komunitetit në veprimtarinë dhe në vendimmarrjen e këshillit bashkiak, si dhe në monitorimin e zbatimit të politikave vendore
- Rritje në aksesin e qytetarëve nëpërmjet digjitalizimit të sistemit në Njësitë e Vetëqeverisjes Vendore përmes krijimit dhe vendosjes së E-Platformave.
- Bashkia duhet të zbatojë praktika të avancuara të transparencës dhe të publikojë në mënyrë proaktive informacion të detajuar në lidhje me projektet që financohen nga Bashkimi Europian në faqen e saj zyrtare. Forcimi i qeverisjes së mirë në nivelin vendor, sipas 4 objektivave specifikë të Strategjisë për Decentralizim dhe Vetëqeverisje Lokale 2023-2030: (i) sigurimi i qeverisjes së hapur, rritja e transparencës, përgjegjshmëri dhe

shtrirje më e madhe e e-qeverisjes në nivel vendor; (ii) Integrimi Evropian dhe qeveria vendore; (iii) forcimi i strukturave komunitare në nivel vendor (Komisionet qytetare, Kryetarët e fshatrave, Ndërlidhësit qytetarë); (iv) adoptimi i politikave kundër korrupsionit në nivelin e qeverisjes vendore.

- Ngritja e kapaciteteve të stafit të bashkisë dhe rritja e efikasitetit në tërësi të strukturave të qeverisjes vendore në linjë me Strategjinë për Decentralizim dhe Vetëqeverisjen Lokale 2023-2030.
- Rregullsi dhe shpejtësi në kthimin e përgjigjeve ndaj ankesave dhe kërkesave që i drejtohen Bashkisë nga qytetarët.
- Të përmirësohet informimi dhe komunikimi i Bashkisë me qytetarët në lidhje me programet e nxitjes së bizneseve dhe punësimit, për të cilat një pjesë e madhe e qytetarëve nuk kanë dijeni, edhe pse janë të interesuar të aplikojnë.
- Qytetarët kërkojnë të informohen më shumë mbi zhvillimin e takimeve publike dhe të Buxhetimit me Pjesëmarrje, në mënyrë që të jenë më të përfshirë në vendimmarrje për çështjet që i shqetësojnë.

Prioriteti 2. Drejtësia Sociale

- Funksionimi efektiv i Mekanizmit të Referimit për të adresuar dhunën me bazë gjinore. Krijimi i një databaze me të gjitha rastet e dhunës me bazë gjinore që trajtohen pranë Drejtorisë së Mbrojtjes Sociale, sektori i Përfshirjes Sociale edhe Barazisë Gjinore në Bashkinë e Tiranës.
- Zhvillimi i më shumë fushatave dhe programeve ndërgjegjëse që trajtojnë në mënyrë specifike dhunën ndaj grave dhe vajzave, si dhe dhunën në familje. Është thelbësore që këto programe të prekin gratë dhe vajzat në zonat rurale, ku ato janë më të cenueshme.
- Zgjerimi i shërbimeve për fuqizimin dhe riintegrimin e viktimave të dhunës me bazë gjinore, duke njohur rolin vendimtar të shërbimeve mbështetëse gjithëpërfshirëse për të ndihmuar të mbijetuarat të rindërtojnë jetën e tyre. Kjo përfshin aksesin në një gamë të gjerë burimesh dhe asistence, si ndihma ligjore, trajnimi për punë dhe këshillimi për shëndetin mendor etj.
- Të rritet kërkesa e llogarisë ndaj administratorëve të njësive administrative dhe kryetarëve të fshatrave në identifikimin e rasteve të dhunës në familje dhe raportimin pranë Drejtorisë së Mbrojtjes Sociale, sektori i Përfshirjes Sociale edhe Barazisë Gjinore.
- Të prodhohen me ndihmën e organizatave të shoqërisë civile dhe donatorëve postera kundër dhunës me bazë gjinore përfshirë numrat ku duhet të raportohet dhe të vendosen në të gjitha zyrat dhe strukturat bashkiake.
- Të diversifikohet dhe rritet buxheti për organizatat e shoqërisë civile që japin shërbime për grupet e marginalizuara.
- Zbatimi i 5 Planeve Sociale të Bashkisë Tiranë përmes alokimit të buxheteve të nevojshme dhe hartimit të raporteve vjetore ose 2 vjeçare me informacion në lidhje me zbatimin e pesë Planeve sociale Vendore.
 - Plani Social 2022-2024
 - Plani për Strehimin Social në Tiranë 2022-2027
 - Plani Vendor i Veprimit për Barazinë Gjinore 2022-2024

- Plani Vendor i Veprimit për Integrimin e Romëve dhe Egjiptianëve 2022-2024
- Plani Lokal Social për personat me aftësi të kufizuara 2022-2024

Prioriteti 3. Nxitja e zhvillimit të qëndrueshëm vendor.

- Shtimi i mundësive për më shumë programe për fuqizim ekonomik të grave e vajzave.
- Krijimi i modeleve në zonat rurale në bashkëpunim me aktorë të tjerë për mikrofinancë dhe mikrokredi në transformimin rural sidomos për gratë dhe vajzat.
- Krijimi i mundësive për promovimin e agroturizmit duke njohur kontributin e grave dhe vajzave.
- Krijimi i një hapësire tregtare për gratë artizane të Tiranës brenda “Kalasë së Tiranës” apo në vende të tjera publike që vizitohen nga turistët.

Prioriteti 4. Transport publik i aksesueshëm dhe i sigurtë për të gjithë qytetarët e Tiranës.

- Afishimi i stacioneve dhe orareve në vendqëndrimet e autobusëve në të gjitha njësitet administrative të Tiranës.
- Adresimi i problemit të mbingarkesës dhe rritja e shpeshtësisë së lëvizjes së autobusëve të linjave.

PRIORITETE TË TJERA

Prioriteti 5. Garantimi dhe aksesimi në ujë të pijshëm dhe të konsumueshëm.

- Qytetarët kërkojnë të mos e blejnë ujin që konsumojnë, ndaj kërkohet siguri në lidhje me këtë element jetësor.

Prioriteti 6. Infrastruktura rrugore

- Ndërtimi dhe mirëmbajtja e rrugëve, trotuareve dhe sinjalizimit rrugor.
- Rritja e ndriçimit të rrugëve sipas parimit “Qytete të sigurta”

Prioriteti 7. Shkollat, Kopshtet dhe Çerdhet

- Rikonstruksioni apo/dhe ngritja e shkollave në zonat me mbipopullim ku numri i fëmijëve për klasë është shumë i lartë.
- Analizimi i situatës në të gjitha njësitet administrative rurale dhe investimi për shkolla në disa zona të njësive administrative rurale.
- Rikonstruksioni apo/dhe ngritja e kopshteve në zonat me mbipopullim ku numri i fëmijëve për grup është shumë i lartë.
- Analizimi i situatës në të gjitha njësitet administrative rurale dhe investimi për kopshte e çerdhe në disa zona të njësive administrative rurale.

Prioriteti 8. Mbështetja e fermerëve

- Krijimi i një tregu për shitjen e prodhimit bujqësor në njësinë administrative në Baldushk, ku një treg i tillë mungon dhe fermerët nuk kanë me çfarë ta transportojnë prodhimin për në tregun e Farkës.
- Në njësinë administrative Baldushk qytetarët kërkojnë lehtësira për ndërtimin e stallave të gjësë së gjallë në tokat e tyre.

Prioriteti 9. Adresimi i Ndotjes Urbane përmes Politikave të Qëndrueshme të Energjisë

- Vijueshmëria e promovimit të politikave që synojnë reduktimin e ndikimit të ndotjes në zonat urbane me popullsi të dendur dhe për të inkurajuar miratimin e politikave të qëndrueshme për përdorimin e energjisë së rinovueshme si një alternativë ndaj lëndëve djegëse fosile.
- Pushteti vendor t'i japë përparësi planifikimit dhe financimit të politikave të ndryshimeve klimatike në zonat që janë veçanërisht të cenueshme ndaj kushteve atmosferike, duke demonstruar një ndërgjegjësim të shtuar për ndikimin e mundshëm të këtyre ndryshimeve.

Rrjeti "Përballja e Ofertave Politike – POP" synon të rrisë debatin publik dhe informacionin te qytetarët si dhe orientimin e platformave drejt nevojave dhe prioriteteve të tyre. Përmes aktiviteteve projekti synon të forcojë demokracinë shqiptare, duke nxitur transparencën dhe llogaridhënien. Përballja e Ofertave Politike - POP, është një nismë e rrjetit të organizatave të shoqërisë civile shqiptare mbështetur nga "Olof Palme International Center" dhe "National Endowment for Democracy." Anëtarët e Rrjetit POP janë organizatat si më poshtë:

*Qendra "Aleanca Gjimore për Zhvillim", Tiranë;
Qendra për Zhvillimin e Shoqërisë Civile, Durrës;
Qendra Rinore Vlorë,
Shoqata për Integrimin e Zonave Informale, Kamëz;
Epoka e Re, Fier;
Intelektualët e Rinj Shpresë, Shkodër;*

*Lëvizja Rinore për Demokraci, Pukë;
Qendra Rinore për Progres, Kukës,
Rinia për Integrim, Aktivizim dhe Sensibilizim,
Pogradec;
Gruaja në Zhvillim, Korçë;
Hapa të Lehtë, Vau i Dejës;
Tjetër Vizion, Elbasan*